



SLUŽBENI GLASNIK

OPĆINE ZAVIDOVIĆI

Broj: 2. Datum: 24.02.2006.



Na osnovu člana 55.i 126.stav 1.Statuta općine Zavidovići («Službeni glasnik općine Zavidovići», broj 11/2004 – Prečišćen tekst i 8/05), i 131.stav 5. Poslovnika općinskog vijeća («Službeni glasnik općine Zavidovići», broj 11/2004 – Prečišćen tekst i 8/05), Općinsko vijeće Zavidovići na 19. sjednici održanoj dana 24.02.2006.godine, donosi

ODLUKU

o izmjeni i dopuni Statuta općine Zavidovići

Član 1.

U Statutu Općine Zavidovići, u članu 92.«Službeni glasnik općine Zavidovići», broj: 11/2004 – Prečišćen tekst i 8/05) iza stava 2. dodaju se novi stavovi 3. i 4. koji glase:

«Član Savjeta mjesne zajednice je predstavnik građana mjesne zajednice izabran neposrednim, tajnim glasanjem, sa mandatom, pravima i obavezama propisan ovim Statutom i Pravilima mjesne zajednice.

Za člana Savjeta može biti biran građanin, upisan u birački spisak Općine Zavidovići, sa prebivalištem na području mjesne zajednice.»

U članu 92. stav 3. i 4. postaje stavom 5. i 6.

Član 2.

Iza člana 92. Statuta Općine Zavidovići, dodaju se novi članovi: 92.a; 92.b; 92.c; 92.d; 92.e i 92.f, koji glase:

«Član 92.a.

Izbore za članove Savjeta mjesne zajednice raspisuje Općinsko vijeće.

Izbore za članove Savjeta mjesne zajednice organizuje i provodi Izborna komisija za organizaciju i provođenje izbora za članove savjeta mjesne zajednice, koju imenuje Općinsko vijeće (u daljem tekstu: Izborna komisija).

Izborna komisija imenuje biračke odbore, izdaje uputstva za njihov rad i određuje broj i raspored biračkih mjesta na području mjesne zajednice.

Izbori za članove Savjeta mjesne zajednice provode se na principima utvrđenim Izbornim zakonom.

Član 92.b.

Kandidatura za člana Savjeta mjesne zajednice podnosi se za naseljeno mjesto u sastavu mjesne zajednice u roku od najmanje trideset dana do dana održavanja izbora i mora biti potpisana od dvadeset birača upisanih u birački spisak Općine sa prebivalištem u mjesnoj zajednici.

Kandidatura za članove Savjeta mjesne zajednice sa jedinstvenim naseljenim mjestom podnosi se u roku od najmanje trideset dana do dana održavanja izbora i mora biti potpisana od dvadeset birača upisanih u birački spisak Općine sa prebivalištem u mjesnoj zajednici.

Uz kandidaturu iz predhodnog stava moraju se priložiti pismene izjave kandidata o prihvatanju kandidature.

Kandidature za članove Savjeta mjesne zajednice ovjerava Izborna komisija nakon što utvrdi da su kandidati upisani u birački spisak Općine Zavidovići, sa prebivalištem u naseljenom mjestu za koje podnosi kandidaturu, odnosno da su birači koji daju podršku kandidatima, upisani u birački spisak Općine Zavidovići, sa prebivalištem u mjesnoj zajednici i da je priložena pismena izjava kandidata o prihvatanju kandidature, te da podnesena kandidatura sadrži broj potpisa utvrđen stavom 1. i 2. ovog člana.

Na osnovu ovjerenih kandidatura sačinjava se kandidatska lista za naseljeno mjesto, odnosno kandidatska lista za mjesnu zajednicu ako je kandidatura podnešena u skladu s stavom 2. ovog člana.

Član 92.c.

Izbori za članove Savjeta mjesne zajednice održavaju se jedinstveno za područje mjesne zajednice.

Glasački listić sadrži slijedeće podatke:

1. datum izbora;
2. naznaka da se izbori vrše za Savjet mjesne zajednice i naziv mjesne zajednice;
3. kandidatske liste za članove Savjeta mjesne zajednice po naseljenim mjestima sa naznakom koliko se članova bira za određeno naseljeno mjesto (redoslijed kandidata određuje se prema abecedi početnog slova prezimena kandidata);

4. uputstvo o načinu glasanja i ispunjavanja glasačkog listića.

Za člana Savjeta mjesne zajednice izabran je kandidat koji dobije najviše glasova svih građana mjesne zajednice.

Ukoliko dva ili više kandidata dobiju isti broj glasova za člana savjeta, izabran je onaj kandidat koji je na listi bio više rangiran.

Član 92.d.

Izborna komisija utvrđuje rezultate obavljenih izbora za članove Savjeta mjesne zajednice i sačinjava Izvještaj koji dostavlja Općinskom vijeću.

Općinsko vijeće razmatra Izvještaj Izborne komisije i verifikuje rezultate izbora.

Nakon verifikacije iz predhodnog stava izabranim članovima Savjeta mjesnih zajednica Izborna komisija izdaje uvjerenje o dobijenim mandatima čime oni stiču prava i dužnosti utvrđene ovim Statutom i Pravilima mjesne zajednice.

Ukoliko članu Savjeta mjesne zajednice prestane mandat prije isteka vremena na koji je izabran, upražnjeni mandat dobija slijedeći kandidat po broju glasova dobijenih na izborima na kandidatskoj listi za isto mjesno područje.

Član 92.e.

Zaštitu izbornih prava u izborima za članove Savjeta mjesne zajednice osiguravaju Izborna komisija i Općinsko vijeće.

Izborna komisija ima prvostepenu nadležnost za odlučivanje o svim pitanjima zaštite izbornog prava i može ukoliko ustanovi bitne nepravilnosti poništiti izbore za određeno biračko mjesto.

Općinsko vijeće ima drugostepenu nadležnost odlučivanja i može poništiti izbore u određenoj mjesnoj zajednici.

U zaštiti izbornih prava primjenjuju se rokovi, kriteriji i procedure utvrđene Izbornim zakonom.

Član 92.f.

Prva sjednica Savjeta mjesne zajednice održat će se najkasnije u roku od trideset dana od objavljivanja rezultata izbora.

Prvu sjednicu novoizabranog Savjeta mjesne zajednice saziva predsjednik prethodnog Savjeta.

Ukoliko se u roku iz stava 1. ovog člana ne održi prva sjednica novoizabranog Savjeta mjesne zajednice, Izborna komisija će u narednih deset dana sazvati istu.

Savjet mjesne zajednice na prvoj sjednici bira predsjednika i zamjenika iz reda svojih članova tajnim glasanjem.»

Član 3.

Zadužuju se Savjeti mjesnih zajednica da usklade Pravila mjesnih zajednica sa ovim odredbama Statuta.

Član 4.

Zadužuje se Komisija za propise i statut da izradi prečišćeni tekst Statuta Općine Zavidovići.

Član 5.

Ova odluka stupa na snagu danom objavljivanja u «Službenom glasniku Općine Zavidovići».

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-05-4454/2005
Dana: 24.02.2006.godine

(M.P.)

Besim Avdić,s.r.

Na osnovu člana 11. i 46. stav 2. Zakona o građevinskom zemljištu Federacije Bosne i Hercegovine ("Sl. novine Federacije BiH", broj: 67/05) i člana 55. Statuta općine Zavidovići ("Sl. glasnik općine Zavidovići", broj 11/04- PREČIŠĆENI TEKST i 8/05), Općinsko vijeće Zavidovići na 19 sjednici održanoj 24.02.2006. godine donijelo je

O D L U K U

o izmjenama i dopunama Odluke o uslovima i načinu dodjele gradskog građevinskog zemljišta u državnom vlasništvu

Član 1.

U Odluci o uslovima i načinu dodjele gradskog građevinskog zemljišta u državnom vlasništvu ("Sl. glasnik Općine Zavidovići" broj: 6/04) u članu 27. mijenjaju se procenti prema zonama tako da glase:

Prva zona	2,5%
Druga zona	2,3%
Treća zona	1,8%
Četvrta zona.....	1,3%
Peta zona	0,9%
Šesta zona	0,5%

Član 2.

U Članu 28. iza broja 5 stavlja se tačka, a ostali dio teksta se briše.

Član 3.

Iza člana 28 dodaje se novi član 28a koji glasi:

"Član 28a.

Ako se gradi nova građevina umjesto građevine koja je porušena, iznos naknade za uređenje građevinskog zemljišta umanjuje se za iznos naknade za uređenje građevinskog zemljišta koji bi bio utvrđen za porušenu građevinu uzimajući u obzir razliku u korisnoj površini i zoni."

Član 4.

Ova odluka stupa na snagu prvog narednog dana od dana objavljivanja u "Službenom glasniku" općine Zavidovići.

OPĆINA ZAVIDOVIĆI
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-5619/05
Dana, 24.02.2006. godine

(M.P.)

Besim Avdić.s.r.

Na osnovu člana 49. stav 5. Zakona o eksproprijaciji ("Službeni list SRBiH", broj 12/87, 38/89. i 15/94) i člana 55. tačka Statuta općine Zavidovići ("Službeni glasnik općine Zavidovići", broj 11/2004 i 8/05), Općinsko vijeće Zavidovići je na 19. sjednici održanoj dana 24.02.2006. godine, d o n i j e l o

ODLUKU

o određivanju područja u kojima na formiranje tržišne cijene poljoprivrednog i građevinskog zemljišta utiču okolnosti iz stava 3. člana 49. Zakona o eksproprijaciji i o najmanjem procentu umanjenja tržišne cijene, za 2006. godinu

Član 1.

Ovom odlukom određuju se:

- a) područja u kojima na formiranje tržišne cijene utiču okolnosti što se poljoprivredno odnosno građevinsko zemljište nalazi u naseljima ili turističkim područjima ili u blizini tih naselja odnosno područja, saobraćajnica ili što predstoji eksproprijacija.
- b) Najmanji procenat umanjenja tržišne cijene odnosno naknade za ekspropisane nekretnine koje se nalaze na tim područjima, u slučajevima kada se naknada utvrđuje na osnovu tržišne cijene.

Član 2.

Područja u kojima na formiranje cijene poljoprivrednog odnosno građevinskog zemljišta utiču okolnosti iz člana 1. tačka a) ove odluke:

1. Urbano područje grada:
 - a) I i II zona
 - b) III i IV zona
 - c) V i VI zona
2. Put Zavidovići – Vozuća do 4.km računajući od granice urbanog područja na udaljenosti od 1000 m sa lijeve strane od ose puta a sa desne strane puta do korita rijeke Krivaje.
3. Put Zavidovići - Vozuća od 4. km do Vozuće na udaljenosti od 1000 m sa desne strane od ose puta, a sa lijeve strane ose puta do korita rijeke Krivaje, posmatrajući tok rijeke nizvodno.
4. Put Zavidovići – Žepče računajući od granice urbanog područja na udaljenosti od 1000 m sa desne strane od ose puta i lijeve strane puta do korita rijeke Bosne
5. Put Zavidovići – Bočinja računajući od granice urbanog područja grada na udaljenosti od 1000 m sa desne strane od ose puta i sa lijeve strane puta do korita rijeke Bosne
6. Put Vozuća – Maoča na udaljenosti od 1000 m sa desne strane od ose puta i sa lijeve

strane ose puta do korita rijeke Krivaja

7. Put Zavidovići – Kamenica do mosta na rijeci Gostović na 8. km, računajući od granice urbanog područja grada, na udaljenosti od 1000 m na obje strane od ose puta

8. Put Zavidovići - Kamenica od mosta na rijeci Gostović na 8. km do Kamenice na udaljenosti od 1000 m na obje strane od ose puta

9. Put 8 km (naseljeno mjesto Sinanovići) –Mahoje na udaljenosti od 1000 m sa obje strane od ose puta

10. Put 4.km- Vikovići- Mustajbašići na udaljenosti od 1000 m na obje strane od ose puta

Član 3.

Najmanji procenat umanjenja tržišne cijene prilikom određivanja naknade za eksproprisana poljoprivredna odnosno građevinska zemljišta na području iz člana 2. ove odluke određuju se:

- a) Za područje iz člana 2. tačka 1. podtačka a) 45 %
- b) Za područje iz člana 2. tačka 1. podtačka b) 40 %
- c) Za područje iz člana 2. tačka 1. podtačka c) 35 %
- d) Za područje iz člana 2. tačka 2. , 3. , 4. i 5. 30 %
- e) Za područje iz člana 2. tačka 6. i 7. 20%
- f) Za područje iz člana 2. tačka 8. , 9. i 10. 10 %

Član 4.

Ova odluka stupa na snagu osmog dana od dana objavljivanja u Službenom glasniku općine Zavidovići.

OPĆINA ZAVIDOVIĆI
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-31-157
Datum, 24.02.2006.

(M.P.)

Besim Avdić, s.r.

Na osnovu člana 39.stav 1. tačka 3. Zakona o lokalnoj samoupravi («Službene novine Zeničko-dobojskog kantona», broj 13/98 i 2/05) i člana 55., a u vezi sa članom 85.stav 1. alineja 3. Statuta općine Zavidovići («Službeni glasnik općine Zavidovići», broj 11/2004 i 8/2005), Općinsko vijeće Zavidovići na 19. sjednici od 24.02.2006. godine, donijelo je

ODLUKU
o rasporedu sredstava za redovnu djelatnost
mjesnih zajednica u 2006.godini

Član 1.

Odlukom o rasporedu sredstava za redovnu djelatnost mjesnih zajednica u 2006.godini (u daljem tekstu: Odluka), utvrđuju se ukupna sredstva za rad mjesnih zajednica u 2006.godini.

Ukupna sredstva u 2006.godini utvrđuju se u iznosu od 70.000,00 KM.

Ukupna sredstva se raspoređuju tako što se 65.000,00 KM po kriterijima raspoređuju za redovnu djelatnost mjesnih zajednica a 5.000,00 KM za troškove provođenja izbora u mjesnim zajednicama.

Član 2.

Visina sredstava iz prethodnog člana raspoređuje se mjesnim zajednicama: 30% linearno, a 70% sredstava prema broju stanovnika.

Raspored sredstava na osnovu elemenata iz prethodnog stava po mjesnim zajednicama sastavni je dio ove Odluke.

Član 3.

Iz raspoređenih sredstava mjesne zajednice finansirat će se rad i aktivnosti mjesnih zajednica.

Sredstva za ove namjene doznačavat će se na osnovu finansijskog plana svake mjesne zajednice i izvještaja o realizaciji istog, za prethodni kvartal.

Član 4.

Ukoliko u Budžetu općine Zavidovići za 2006.godinu prihodi budu manji od planiranih, raspored sredstava mjesnim zajednicama bit će umanjen srazmjerno procentu neostvarenih planiranih prihoda Budžeta općine Zavidovići za 2006.godinu.

Član 5.

Mjesnim zajednicama doznačivat će se sredstva shodno načinu i postupku u skladu sa ovom Odlukom i Odlukom o izvršavanju Budžeta općine Zavidovići za 2006.godinu.

Član 6.

Ukoliko dođe do formiranja novih mjesnih zajednica, vršit će se preraspodjela u okviru planiranih sredstava u Budžetu općine Zavidovići za 2006.godinu.

Član 7.

Ova Odluka stupa na snagu prvog narednog dana od dana objavljivanja u «Službenom glasniku općine Zavidovići», a primjenjivat će se od 01.01.2006.godine.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj:01-14-432/06
Datum, 24.02.2006.godine

(M.P.)

Besim Avdić, s.r.

RASPORED SREDSTAVA MJESNIM ZAJEDNICAMA

1. MJESNA ZAJEDNICA «ASIM ČAMDŽIĆ»	
- linearno	928,50
- po broju stanovnika	<u>5.020,00</u>
	5.948,50
2. MJESNA ZAJEDNICA «KLEK»	
- linearno	928,50
- po broju stanovnika	<u>6.020,00</u>
	6.948,50
3. MJESNA ZAJEDNICA «BRANIOCI GRADA»	
- linearno	928,50
- po broju stanovnika	<u>4.610,00</u>
	5.538,50
4. MJESNA ZAJEDNICA «DUBRAVICA»	
- linearno	928,50
- po broju stanovnika	<u>1.260,00</u>
	2.188,50
5. MJESNA ZAJEDNICA «DOLINA-ALIĆI»	
- linearno	928,50
- po broju stanovnika	<u>1.240,00</u>
	2.168,50
6. MJESNA ZAJEDNICA «PAŠIN KONAK»	
- linearno	928,50
- po broju stanovnika	<u>3.785,50</u>
	4.714,00
7. MJESNA ZAJEDNICA «MEĆEVIĆI»	
- linearno	928,50
- po broju stanovnika	<u>1.588,00</u>
	2.516,50
8. MJESNA ZAJEDNICA «VOZUĆA»	
- linearno	928,50
- po broju stanovnika	<u>2.382,00</u>
	3.310,50
9. MJESNA ZAJEDNICA «RIBNICA»	
- linearno	928,50
- po broju stanovnika	<u>1.264,00</u>
	2.192,50
10. MJESNA ZAJEDNICA «MAOČA»	
- linearno	928,50
- po broju stanovnika	<u>517,50</u>
	1.446,00
11. MJESNA ZAJEDNICA «RUJNICA»	
- linearno	928,50
- po broju stanovnika	<u>2.360,50</u>
	3.289,00
12. MJESNA ZAJEDNICA «KOVAČI»	
- linearno	928,50
- po broju stanovnika	<u>4.764,00</u>
	5.692,50

13. MJESNA ZAJEDNICA «BREZIK»	
- linearno	928,50
- po broju stanovnika	<u>2.063,50</u>
	2.992,00
14. MJESNA ZAJEDNICA «KRIVAJA-SMAILBAŠIĆI»	
- linearno	928,50
- po broju stanovnika	<u>923,00</u>
	1.851,50
15. MJESNA ZAJEDNICA «GOSTOVIĆ»	
- linearno	928,50
- po broju stanovnika	<u>3.449,50</u>
	4.378,00
16. MJESNA ZAJEDNICA «DONJI GOSTOVIĆ»	
- linearno	928,50
- po broju stanovnika	<u>1.384,00</u>
	2.312,50
17. MJESNA ZAJEDNICA «LOVNICA»	
- linearno	928,50
- po broju stanovnika	<u>1.103,50</u>
	2.032,50
18. MJESNA ZAJEDNICA «MAHOJE»	
- linearno	928,50
- po broju stanovnika	<u>506,00</u>
	1.434,50
19. MJESNA ZAJEDNICA «DOLAC»	
- linearno	928,50
- po broju stanovnika	<u>201,00</u>
	1.129,50
20. MJESNA ZAJEDNICA «STIPOVIĆI»	
- linearno	928,50
- po broju stanovnika	<u>610,50</u>
	1.539,00
21. MJESNA ZAJEDNICA «KRIVAJA»	
- linearno	928,50
- po broju stanovnika	<u>449,00</u>
	1.377,50

REKAPITULACIJA

	2005. godina	2006. godina
1. MZ «ASIM ČAMDŽIĆ»	5.562,18 KM	5.948,50 KM
2. MZ «KLEK»	5.947,14 KM	6.948,50 KM
3. MZ «BRANIOCI GRADA»	5.082,02 KM	5.538,50 KM
4. MZ «DUBRAVICA»	2.024,74 KM	2.188,50 KM
5. MZ «DOLINA-ALIĆI»	2.022,82 KM	2.168,50 KM
6. MZ «PAŠIN KONAK»	4.394,51 KM	4.714,00 KM
7. MZ «MEĆEVIĆI»	2.326,24 KM	2.516,50 KM
8. MZ «VOZUĆA»	3.190,42 KM	3.310,50 KM
9. MZ «RIBNICA»	2.031,46 KM	2.192,50 KM
10. MZ «MAOČA»	1.348,76 KM	1.446,00 KM
11. MZ «RUJNICA»	3.105,92 KM	3.289,00 KM
12. MZ «KOVAČI»	5.280,78 KM	5.692,50 KM
13. MZ «BREZIK»	2.790,98 KM	2.992,00 KM
14. MZ «KRIVAJA-SMAILBAŠIĆI»	1.721,32 KM	1.851,50 KM
15. MZ «GOSTOVIĆ»	4.058,44 KM	4.378,00 KM
16. MZ «DONJI GOSTOVIĆ»	2.096,75 KM	2.312,50 KM
17. MZ «LOVNICA»	1.870,15 KM	2.032,00 KM
18. MZ «MAHOJE»	1.360,28 KM	1.434,50 KM
19. MZ «DOLAC»	1.032,85 KM	1.129,50 KM
20. MZ «STIPOVIĆI»	1.427,49 KM	1.539,00 KM
21. MZ «KRIVAJA»	1.324,75 KM	1.377,50 KM
UKUPNO	60.000,00 KM	65.000,00 KM

Na osnovu člana 55. Statuta općine Zavidovići («Službeni glasnik općine Zavidovići» broj 11/2004 i 8/2005), Općinsko vijeće Zavidovići na 19. sjednici održanoj 24.02.2006., donijelo je

O D L U K U

**o izmjeni Odluke o plaćama i naknadama plaće
Općinskog načelnika općine Zavidovići**

Član 1.

U članu 2. Odluke o plaćama i naknadama plaće Općinskog načelnika općine Zavidovići («Službeni glasnik općine Zavidovići», broj 9/05), iza riječi koeficijent umjesto broja «17», upisuje se broj «5,25»

Član 2.

Odluka stupa na snagu prvog narednog dana od dana objavljivanja u «Službenom glasniku općine Zavidovići», a primjenjivat će se od 01.01.2006. godine.

OPĆINA ZAVIDOVIĆI
OPĆINSKO VIJEĆE

broj: 01-05-114/06
datum: 24.02.2006.godine

(M.P.)

PREDSJEDAVAJUĆI
OPĆINSKOG VIJEĆA

Besim Avdić s.r.

Na osnovu člana 55. Statuta općine Zavidovići («Službeni glasnik općine Zavidovići» broj 11/2004 i 8/2005), Općinsko vijeće Zavidovići na 19. sjednici održanoj 24.02.2006. godine, donijelo je

ODLUKU

o izmjeni Odluke o plaćama i naknadama plaće Općinskog pravobranioca općine Zavidovići

Član 1.

U članu 2. Odluke o plaćama i naknadama plaće Općinskog pravobranioca općine Zavidovići («Službeni glasnik općine Zavidovići», broj 9/05), iza riječi koeficijent umjesto broja «9,5», upisuje se broj «2,93»

Član 2.

Odluka stupa na snagu prvog narednog dana od dana objavljivanja u «Službenom glasniku općine Zavidovići», a primjenjivat će se od 01.01.2006. godine.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-05-113/06
Datum, 24.02.2006.godine

(M.P.)

Besim Avdić, s.r.

Na osnovu člana 9. stav 4. Zakona o porezu na promet nekretnina ("Službene novine Zeničko-Dobojskog" kantona", broj: 24/99, 11/2001, 8/2002 i 7/2004) i člana 55. tačka 2. Statuta općine Zavidovići ("Službeni glasnik općine Zavidovići", broj: 11/04 i 8/2005), Općinsko vijeće Zavidovići na 19. sjednici, odražnoj dana 24.02.2006. godine, donijelo je

RJEŠENJE
o naknadama za rad u Komisiji za procjenu
prometne vrijednosti nepokretnosti

I

Predsjedniku i članovima komisije utvrđuje se naknada za rad u Komisiji za procjenu prometne vrijednosti nepokretnosti (u daljem tekstu: Komisija) u paušalnom iznosu od 50,00 KM po jednom ugovoru.

Od ukupnog iznosa iz prethodnog stava predsjedniku Komisije pripada 20,00 KM a članovima Komisije po 15,00 KM.

II

Naknadu za rad u Komisiji plaća stranka koja podnese zahtjev za izlazak Komisije u svrhu procjene nekretnina.

Osim plaćanja naknade za rad Komisije, stranka snosi troškove prevoza Komisije na lice mjesta i troškove plaćanja poreza.

III

Ovo rješenje stupa na snagu danom donošenja, a objavit će se u («Službenom glasniku općine Zavidovići»).

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-14-405/06
Dana : 24.02.2006. godine

(M.P.)

Besim Avdić, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-05-158

Dana: 24.02.2006. godine

Na osnovu člana 95. Zakona o prostornom uređenju («Službene novine Zeničko-dobojskog kantona», broj: 2/2004) i člana 96. i 121. Statuta općine Zavidovići («Službeni glasnik općine Zavidovići», broj 11/04-Prečišćeni tekst i 8/2005), Općinsko vijeće Zavidovići na 19. sjednici održanoj dana 24.02.2006. godine, d o n o s i

ZAKLJUČAK

1. Ugovori o zakupu neizgrađenog gradskog građevinskog zemljišta radi postavljanja privremenih poslovnih objekata, kojima je istekao rok na koji su zaključeni, produžiti će se do donošenja propisa iz člana 95. Zakona o prostornom uređenju («Službene novine Zeničko-dobojskog kantona», broj: 2/2004) odnosno do privođenja zemljišta trajnoj namjeni, a najkasnije do 31.12.2006. godine.

2. Ugovori iz tačke 1. ovog zaključka produžiti će se fizičkim i pravnim licima koji podnesu zahtjeve za produženje ugovora najkasnije do 31. 03.2006. godine i koji dokažu da su izmirili svoje obaveze po osnovu zakupnine zaključno sa 31.12.2005. godine.

3. Fizička i pravna lica koja ne postupe u skladu sa tačkom 2. zaključka, dužna su u roku od 30 dana od isteka ostavljenog roka za podnošenje zahtjeva za produženje ugovora . o svom trošku ukloniti privremene objekte i zemljište vratiti u prvobitno stanje . u protivnom nadležni organ će pokrenuti postupak prinudnog uklanjanja objekta putem druge osobe, a troškovi uklanjanja objekta i vraćanja zemljišta u prvobitno stanje padaju na teret vlasnika objekta.

4. Za primjenu ovog zaključka zadužuje se Općinski načelnik. Služba za upravu geodetskih, imovinsko pravnih poslova i urbanizma i Služba za upravu ekonomskih poslova i poduzetništva.

5. Zaključak stupa na snagu danom donošenja.

PREDSJEDAVAJUĆI
OPĆINSKOG VIJEĆA

(M.P.)

Besim Avdić, s.r.

Na osnovu člana 93. Poslovnika Općinskog vijeća Zavidovići («Službeni glasnik općine Zavidovići», broj 11/2004 i 8/2005), Općinsko vijeće Zavidovići na 19.sjednici od 24.02.2006. godine, razmatralo je Informaciju o stanju lokalnih cesta na općini Zavidovići sa prijedlogom mjera, pa nakon rasprave, donijelo

ZAKLJUČAK

1. Općinsko vijeće Zavidovići usvaja Informaciju o stanju lokalnih cesta na općini Zavidovići sa prijedlogom mjera.

2. O realizaciji predloženih mjera starat će se Služba za upravu ekonomskih poslova i poduzetništva – inspektor za ceste.

3. Zaključak stupa na snagu danom donošenja.

OPĆINA ZAVIDOVIĆI
- OPĆINSKO VIJEĆE -

Broj: 01-27-4796
Datum, 24.02.2006.godine

(M.P.)

PREDSDJEDAVAJUĆI
OPĆINSKOG VIJEĆA

Besim Avdić, s.r.

- 59 -

Na osnovu člana 93. Poslovnika Općinskog vijeća Zavidovići («Službeni glasnik općine Zavidovići», broj 11/2004 i 8/2005), Općinsko vijeće Zavidovići na 19.sjednici od 24.02.2006. godine, razmatralo je Informaciju o stanju nekategorisanih cesta na općini Zavidovići sa prijedlogom mjera, pa nakon rasprave, donijelo

ZAKLJUČAK

1. Općinsko vijeće Zavidovići usvaja Informaciju o stanju nekategorisanih cesta na općini Zavidovići sa prijedlogom mjera.
2. O realizaciji predloženih mjera starat će se Služba za upravu ekonomskih poslova i poduzetništva – inspektor za ceste.
3. Zaključak stupa na snagu danom donošenja.

OPĆINA ZAVIDOVIĆI
- OPĆINSKO VIJEĆE -

Broj: 01-27-4843
Datum, 24.02.2006.godine

(M.P.)

PREDSJEDAVAJUĆI
OPĆINSKOG VIJEĆA

Besim Avdić,s.r.

- 60 -

Na osnovu člana 93. Poslovnika Općinskog vijeća Zavidovići («Službeni glasnik općine Zavidovići», broj 11/2004 i 8/2005), Općinsko vijeće Zavidovići na 19.sjednici od 24.02.2006. godine, razmatralo je Informaciju o korištenju i zaštiti voda Bosne, Gostovića i Krivaje sa akcentom na eksploataciju riječnog materija sa predloženim mjerama, pa nakon rasprave, donijelo

ZAKLJUČAK

1. Općinsko vijeće Zavidovići usvaja Informaciju o korištenju i zaštiti voda Bosne, Gostovića i Krivaje sa akcentom na eksploataciju riječnog materija sa predloženim mjerama.

2. O realizaciji Informacije i predloženih mjera starat će se Služba za upravu ekonomskih poslova i poduzetništva.

3. Zaključak stupa na snagu danom donošenja.

OPĆINA ZAVIDOVIĆI
- OPĆINSKO VIJEĆE -

Broj: 01-23-5219
Datum, 24.02.2006.godine

(M.P.)

PREDSJEDAVAJUĆI
OPĆINSKOG VIJEĆA

Besim Avdić, s.r.

- 61 -

Na osnovu člana 93. Poslovnika Općinskog vijeća Zavidovići («Službeni glasnik općine Zavidovići», broj 11/2004 i 8/2005), Općinsko vijeće Zavidovići na 19.sjednici od 24.02.2006. godine, razmatralo je Informaciju o položaju mladih i radu omladinskog nevladinog sektora u općini Zavidovići sa predloženim mjerama, pa nakon rasprave, donijelo

ZAKLJUČAK

1. Općinsko vijeće Zavidovići usvaja Informaciju o položaju mladih i radu omladinskog nevladinog sektora u općini Zavidovići sa predloženim mjerama.

2. Zadužuje se Služba za upravu društvenih djelatnosti i opću upravu i Komisija za pitanja mladih kao radno tijelo Općinskog vijeća da u narednom periodu se više aktiviraju na rješavanju pitanja položaja mladih i radu omladinskog nevladinog sektora i provođenju predloženih mjera.

3. Zaključak stupa na snagu danom donošenja.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-05-5220
Datum: 24.02.2006.godine

(M.P.)

Besim Avdić.s.r.

S A D R Ž A J

	Strana
I – AKTI OPĆINSKOG VIJEĆA	
1. ODLUKA o izmjeni i dopuni Statuta općine Zavidovići	44
2. ODLUKA o izmjenama i dopunama Odluke o uslovima i načinu dodjele gradskog građevinskog zemljišta u državnom vlasništvu	47
3. ODLUKA o određivanju područja u kojima na formiranje tržišne cijene poljoprivrednog i građevinskog zemljišta utiču okolnosti iz stava 3. člana 49. Zakona o eksproprijaciji i najmanjem procentu umanjenja tržišne cijene za 2006. godinu	48
4. ODLUKA o rasporedu sredstava za redovnu djelatnost mjesnih zajednica u 2006. godine	50
5. ODLUKA o izmjeni Odluke o plaćama i naknadama plaće Općinskog načelnika Općine Zavidovići	54
6. ODLUKA o izmjeni Odluke o plaćama i naknadama plaće Općinskog pravobranioca Općine Zavidovići	55
7. RJEŠENJE o naknadama za rad u Komisiji za procjenu prometne vrijednosti nepokretnosti	56
8. ZAKLJUČAK o zaključivanju Ugovora za zakup neizgrađenog gradskog građevinskog zemljišta radi postavljanja privremeni objekata	57
9. ZAKLJUČAK o prihvatanju Informacije o stanju lokalnih cesta na području općine Zavidovići	58
10. ZAKLJUČAK o prihvatanju Informacije o stanju nekategorisanih cesta na općini Zavidovići	59
11. ZAKLJUČAK o prihvatanju Informacije o korištenju i zaštiti voda Bosne, Gostovića i Krivaje sa akcentom na eksploataciju riječnog materijala	60
12. ZAKLJUČAK o prihvatanju Informacije o položaju mladih i radu omladinskog nevladinog sektora u općini Zavidovići	61

•
-
•

•
-
•